

歷代兵事

東鹿鄉土志第三

胡文忠公之言曰兵事爲儒家之至精固儒者所當研究也矧值尙武時代強弱勝敗爲天演之公例物競之自然尤當留心鈐略而於本境古今之兵事尋源窮委以爲軍民之嚆矢云

東鹿無雄關峻嶺惟北阻滹沱爲戰國時燕趙中山交鬩之地但郡縣未析好古者難言之楚漢之際趙王歇有故趙地及韓信出兵井陘用李左車謀燕趙諸地傳檄而定縣於其時未罹兵禍更始二年光武初起徇河北是時郡國皆反應王郎羣盜如大彤青犢等復擅立名號所在寇掠次年光武擊降貫縣等七縣秋又擊銅馬賊於鄆復與馬武擊尤來五幡等進至安定

東鹿鄉土志

歷代兵事

十五

京師官書局刷印

此皆縣在漢之故名而兵端自此始靈帝時寇盜四起鉅鹿張角自號黃天以妖異煽愚民部師三十六萬皆著黃巾時鉅鹿郡領縣十五鄆縣與焉當角之初起也楊賜劉陶上言宜簡別流民護歸本郡以孤其黨皆不爲意卒至邪氛日熾流毒徧八州竭數年力始討平之左道誣人古今同慨司牧者謀國不臧實足養癰貽患耳

右兩漢

兩漢迄魏不更兵革元明以來近在畿甸兵事差少晉唐宋金之間國家棄地予人而晉代五胡之亂中原腹地異族憑陵晉永嘉時漢主劉淵遣石勒下趙魏已而寇鉅鹿等郡縣境陷於趙晉永和七年魏主冉閔圍趙襄國趙石琨自信都還救閔遣

孫威拒琨於黃邱魏書地形篇所謂鄔有黃邱是也其後若慕容氏苻秦氏拓拔氏迄於高齊先後競爭四海鼎沸干戈雲擾附近若博陵安平常山冀州皆屢經兵燹池魚林木之殃縣境豈能獨免惟既非孔道又無險可爭故史文略而不書亦地勢然耳

右魏晉六朝

隋末羣盜蜂起河北如瀛定深饒等郡縣經竇建德等割據爲亂相繼叛附唐武德五年桑維和擊劉黑闥於晏城破之幽州總管李藝取廉定二州廉州武德初置鹿城所隸初陷於建德經淮陽王之敗州縣復叛歸黑闥晏城則隋時舊名也明年黑闥平兵禍稍息至天寶初突厥默啜攻陷冀瀛定趙等州嗣狄

東鹿鄉土志

歷代兵事

十六

京師官書局刷印

仁傑爲河北安撫使不久旋平百餘年間縣境無鋒鏑天寶末祿山反范陽縣更名東鹿改隸深州河北郡縣望風歛附繼以史思明之亂而藩鎮復梗朝命跋扈僭亂縣當其時雖非衝要終唐之世騷擾不堪言矣祿山之亂也使其黨徇河北郡縣風靡獨饒陽不受代賊將張獻誠圍至二十九日不下及思明破河間景城信都或降或陷饒陽被圍經年猶嬰城固守是時饒陽郡治陸澤先天二年析饒陽鹿城所置邑也賊攻饒陽必擾東鹿擊柝相聞勢甚岌岌東鹿人張興爲饒陽裨將至是外援盡絕城陷殉焉胡三省謂河北二十四郡惟張興可爲義士洵足增邑乘光哉嗣後兩京旣復思明降唐復叛以張忠志爲恒趙節度使寶應元年思明死忠志用常山裨將王武俊之言以

恒趙等五州降於唐河東節度使辛雲京朝廷號其軍曰成德軍賜姓名曰李寶臣安史之亂至此始平矣無奈強藩接踵相攻李寶臣既鎮成德軍欲以軍府傳其子惟岳惟岳旋求旌節朝議不許遂與田悅李正己連兵拒命遣兵與孟佑守束鹿朝廷命朱滔張孝忠攻之拔束鹿進圍深州惟岳憂懼因掌書記邵貞之言欲密奉表於朝孟佑知其謀以告田悅悅遣衙官扈岌往讓惟岳惟岳不能守前計遂斬邵貞發成德軍萬人與孟佑進圍束鹿朱滔張孝忠與戰於束鹿城下惟岳大敗先是其兵馬使王武俊爲左右所構惟岳疑之惜其才未忍除也束鹿之戰武俊爲先鋒私自忖曰我破朱滔則惟岳軍勢大振歸殺我必矣戰不甚力而敗朱滔欲乘勝攻恒州張孝忠引兵西北

軍義豐謂將佐曰恒州宿將甚多未可輕視迫則併力死鬥緩之則自相圖吾軍義豐坐待惟岳之殄滅耳且朱司徒言大而識淺可與共始難與共終於是朱滔亦屯束鹿不進而武俊果以計誅惟岳既朱滔以功求深州廷議不許命還鎮幽州滔由是怨望會上遣中使發盧龍恒冀易定兵詣魏州討田悅滔欲起兵救之將步騎二萬五千發深州至束鹿詰旦將行吹角未畢士卒忽大譁諫曰天子命司徒歸幽州奈何違敕南行經牙官蔡雄諭之衆然後定已而滔復舉兵而南與王武俊合以救魏而河北悍將率以擅命爲故事焉後憲宗欲革藩鎮世襲之弊遣吐突承璀討王承宗承宗武俊孫也元和五年幽州節度使劉濟將兵七萬擊承宗時諸軍皆未進濟獨前奮擊拔饒陽

東鹿蓋自漢魏二千年或爲新主削平或爲外國侵軼或爲流寇蹂躪獨唐世逆藩干命朝請不行連兵百年控馭失宜將將無人危哉

右隋唐

唐藩之焰五代時漸熄自石晉賂契丹以十六州東鹿與焉藩禍熄而外患生晉開運二年契丹圍鎮州分兵南下鼓城等九縣漢乾祐二年契丹南侵陷安平等縣東鹿北界安平西鄰鼓城日夕戒嚴自周世宗雄攬邊陲顯德二年命韓通城東鹿以備邊邊患從茲稍紓宋興百數十年雖時有小警尙無大害靖康之世契丹衰而女真蒙古繼起割兩河地求和東鹿非復宋有金禎祐三年紅襖賊周元兒陷祁州東鹿其渠師郝定以計

東鹿鄉土志

歷代兵事

十八

京師官書局刷印

破斬之是時金兵力禦外患不足平內訌有餘後蒙古穆呼哩略山南明年張柔降蒙古率兵南下攻深澤甯晉等縣深冀以北鎮定以東三十餘城望風歸附時金已徙都汴河朔盜起守令皆棄城走東邑無主衆推邑人耿福攝縣政籌戰守具嗣穆呼哩徇地至東鹿福以衆屬焉元明之際徐達入元都常遇春下保定眞定諸州縣東鹿亦爲常兵所下也正統十四年額森由京師縱兵南掠突至東鹿城下衆欲棄城遁邑侯黃子嘉誓死守寇旋去城賴以全正德六年文安賊劉寵劉宸僭亂卽世所謂劉六劉七者也縣城陷崇禎十四年叛兵擾縣遊騎數百入城據西北二門縱火劫掠闔縣驚惶邑人陝西兵備副使耿啓適家居遣子耿述家人楊巨鰲督城內壯丁擊賊賊遁去若

建文靖難之兵及末年流賊之亂祇及深州真定與安平饒陽諸州縣東鹿不與焉蓋行軍之道地利爲先縣非衝要史册故闕如也

右五代宋金元明

我

朝入關定鼎燕京闖賊李自成西奔畿南州郡首先歸命南數行省間有負固者王師所至若決迅湍以沃燼灰鼓洪爐而燔落毳大定後東鹿轄於省會仰沐皇仁休養生息二百餘年然患每生於所忽亂恆起於狃安咸豐初粵西洪逆金田倡亂流毒江南分遣悍黨林鳳翔李開方吉文元等乘機北伺三年九月由趙州藁城折而東入東境至位伯舊城一帶東陷深州

東鹿鄉土志

歷代兵事

十九

京師官書局刷印

沿途焚廟宇以誌軍路

朝命科爾沁親王僧格林沁紮駐保定欽差大臣勝保進勦都統西陵阿由東鹿抵深州旋敗退東鹿嗣後官軍乘機而進殲

賊於馮官屯

粵逆

粵逆倡亂竄擾十六省攻陷六百餘城伏莽餘戎所在蠢動廷議以四方多故命直省州縣仿湖淮團練法縣西境李全有史炯南境李書城謝振興北境李嚮臣李銘生諸人立約捐資治軍械募壯丁徧諭附近村莊聯絡救援以備緩急東鹿練勇有名自此始

練勇

初縣境無倡亂者咸豐九年邑之劫匪郭勝得李洛塞等乘機竊發聚黨數百人擾張古莊郭家莊等村擄掠北去康縣丞炳

麟率汎兵入村彈壓斬數人立定已而冀匪婁占魁甯匪祁根竹亂等又作邑匪雒小雲應之剽掠脅勢甚張竄晉州官勇迎擊南奔至縣境試礮營喘息未定西境練勇圍擊之斃賊百餘分竄而南南境練長李書城等追勦生擒占魁根竹諸賊酋賊氛自此靖矣

土寇

同治元年直東黨寇張錫珠宋景詩等糾衆萬人犯冀州逼近東邑練長謝振興爲禦賊計謂賊燄甚熾無敢禦者儻渡滏而北全境糜爛矣先擊之爲上雖不勝賊知有備必不來十一月十九日邀冀甯練勇會於滏水北岸聞賊衆大至振興等率勇渡滏遇賊於滏水店衝鋒直入斃賊甚夥卒以衆寡不敵李書城謝振興等皆戰歿勇丁死者四百餘人然賊亦大熠不敢北

東鹿鄉土志

歷代兵事

二十一

京師官書局刷印

犯向東南逸去十二月八日賊復北犯智伯鎮焚殺一空蜂擁而北時滹沱河自縣西王莊營經縣城南東入深境練長李全有等集各村勇丁禦於河南岸迭有斬獲次日再戰連用巨礮轟擊賊尸狼藉勢不支東逸官軍于承恩尾追之越二年賊復竄東境安古城位伯諸村計將南奔李嚮臣等率勇堵勦賊窘而逸羣賊皆積年滑匪出沒冀東晉甯界颺忽無定各鄉築堡爲邏守計田家莊辛集鎮倡辦諸村相繼合邑築二十餘所紳董勇丁聯絡一氣凡人畜財物併入堡內賊至無所獲計窮官軍至遂殲於甯邑大捷皆鄉勇力也自流賊北犯三竄縣境鄉勇迭次勦禦未得大逞先由吳陶上其事裘侍御德俊李相國鴻藻復聯章入告 上命直督查明請獎獎叙有差戰歿諸人

予雲騎尉世職

恩綸覃被異數也

流賊

越二年六月六日土匪擾安平擄鄉市牲畜勒索錢財勾結無賴至舊城鎮與西棗營諸村旋宿晉州謀南犯束邑鄉勇偵禦於縣西北境適賊回竄鄉勇與官軍合勦之悉就誅

土匪

同治七年正月捻酋張總愚由秦晉犯畿輔蔓延晉甯之間越六日各練長謀之有備列勇隊於城西黎明賊騎突至辛集田家莊勇與之戰互有殺傷初八日大股賊數萬人薄舊壘頭安古城試礮營諸堡人皆巷戰以短兵接斃賊二千餘堡中男婦死者甚夥初九日賊奔深祁時勤王諸軍畢集齊軍王心安湘軍劉松山皖軍郭寶昌自饒陽尾賊追勦十六日賊偵騎數十

束鹿鄉土志

歷代兵事

二十一

京師官書局刷印

由深澤犯束旋北二十四日淮軍潘鼎新與皖軍會逼賊於深州賊奔而西烽火徧束鹿深澤兩縣五十餘村天未曙又遁祁博閒二月五日復竄深州西南各練長輩探知湘淮各軍連戰饒安破賊天戈所指義憤同伸尅期招集各勇凡二萬人瀝血誓衆萃於邑之東偏冀以一戰挫狂鋒詎意張總愚係皖豫巨憝屢抗官軍部下馬隊萬餘強悍異常七日辰時先以馬隊四百餘名繞勇後疾馳而西然火以警村衆勇方回視賊以馬隊橫衝之截爲數段勇傷無算惟辛集十餘村勇丁距縣城較近列爲四陣銃礮輪開拒賊歷三時許斃賊數百賊稍却旋結陣附城以防叵測賊大股盤踞辛集一帶左右攻擊各堡亦環堞拒守礮聲轟發不絕凡兩晝夜豫軍宋慶張曜北來擊賊走深

州分竄晉州折而東十四日入束境陷吳家莊堡又東攻位伯堡不克賊傷數人東竄武強湘淮各軍追賊斃其渠酋張五孩蓋至此而賊勢漸衰矣張總愚又率黨西竄至東西北境陷雙柳樹堡十九日賊騎數十循辛集胡合營二堡疾馳吶喊以張聲威練勇自堡上排銃擊之斃四人大股復自方碑西竄渡滹沱河而境內之賊絕跡矣凡往來縣境四十餘日男婦死者約三萬人亦慘矣哉是年李公鴻章殲賊於徒駭河大勝擒匪光緒二十六年拳匪亂起聯軍入都保定一帶蹂躪幾徧遡厥亂源實由仇教當是時也縣北村鎮有外來匪煽惑鄉民羣焉附和有識者力勸使散以故束鹿方倖免外侮已而洋兵誤信流言謂束鹿有亂黨將以兵來邑侯李秉和奉上憲札飭外兵

束鹿鄉土志

歷代兵事

二十一

京師官書局刷印

至以客軍待十月二十二日外兵出保定西由藁城東趨二十四日至位伯鎮其來也揚言平亂人皆安堵繼因無知愚民憑堡然礮外兵架礮毀堡之東南隅傷一人遂入西門戕五人由東門去二十五日外兵至舊城適舊城賽會負販者踵至赴會者肩摩鎮中首事人議迎納兵械未撤退兵適至勇出堡鎗敵旋退堡外兵攻西南隅村人然礮擊之外兵走架礮東南隅俯擊城內自寅至午力不支陸續逃逸外兵乘虛入壯丁十餘人於鎗林彈雨中伺隙旁擊奮不欲生雖不量力度德而其平日勇悍好鬥相習成風亦可概見矣是晚火光燭天外兵一夕數警訖明拔隊啓行無業游民乘勢搶掠外兵疑爲敵也開礮橫擊之尸積如山衢爲之塞外兵且戰且走出西門從故道去是

役也焚廬舍二千餘間火燄竟月不絕傷四千餘人其統帥云自北京以至所過州縣皆莫與抗獨此區區一鄉人皆敢死亦奇矣哉溯自粵捻擾亂後又遭此浩劫而外兵亦爲之氣沮不復南下先是謠傳外兵將由六倘城抵辛集鎮辛集夙號巨鎮向於拳教兩無所袒教徒思藉外兵以張其權風聲鶴唳民有戒心於是外掘濠塹內備器械左近村莊互爲犄角大有決戰之勢時十一月二十日也銘公峻來署是邦百端曉諭地方董事復先詣外兵統帥以未嘗虐教爲詞統帥亦鑒於舊城之役卒以不至而辛集以南均得安堵如故者職此之由 拳匪

右本朝

按古之論兵者謂如疾之用藥藥不可常服所謂不得已而用

兵也又如人之有手足無手足不可爲人所謂兵不可一日不備也閉關自守之朝內匪訐列強競爭之世外寇至此必然之勢也十九世紀以來強隣尙武每日如臨大敵或謂以爭戰購今日之文明或謂以兵力保世界之長治其信然與爲今日計以士農工商爲卒伍窮理格物爲韜鈴國會議院爲營壘揚國威保種族當與關門謝客之世另樹一幟

